

## BESTELAKO XEDAPENAK

### LAN ETA ENPLEGU SAILA

## 1439

*EBAZPENA, 2022ko martxoaren 23koa, Lanbide-Euskal Enplegu Zerbitzuko zuzendari nagusiarena, zeinaren bidez argitaratzen baita Lanbide-Euskal Enplegu Zerbitzuko Administrazio Kontseiluaren erabaki bat. Erabaki horren bitartez, zenbait diru-baliabide esleitzen dira 2001eko martxoaren 8ko 76/2000 eta 2001eko uztailaren 31ko 25/2001 enplegu-erregulazioko espedienteen eraginpean dauden langileentzako laguntza bereziak 2022an finantzatzeko, betiere laguntza horiek emateko prozedura arautzen duen Enplegu eta Gizarte Gaietako sailburuaren 2012ko apirilaren 18ko Aginduarekin bat etorritz.*

Lanbide-Euskal Enplegu Zerbitzuko Administrazio Kontseiluak, 2022ko martxoaren 22ko bilkuran hartutako erabakiaren bidez, zenbait diru-baliabide esleitu ditu otsailaren 26ko 196/2010 Errege Dekretuan ezarritako dirulaguntzak 2022an finantzatzeko, betiere Enplegu eta Gizarte Gaietako sailburuaren 2012ko apirilaren 18ko Aginduan araututako prozedurari jarraituz. Errege-dekretu horren bitartez, 2001eko martxoaren 8ko 76/2000 eta 2001eko uztailaren 31ko 25/2001 enplegu-erregulazioko espedienteen eraginpean dauden langileentzako laguntza bereziak eta laneratzea errazteko neurriak ezartzen dira. Hala, Lanbideren Estatutuetako 10.2 artikulua (o) apartatuan xedatutakoarekin bat etorritz (estatutu horiek maiatzaren 22ko 82/2012 Dekretuaren bidez onetsi ziren), Lanbideren zuzendari nagusiak eman behar du argitara erabaki hori.

Azaldutakoa dela-eta, honako hau

#### EBAZTEN DUT:

Lehenengoa.– Argitara ematea Lanbide-Euskal Enplegu Zerbitzuko Administrazio Kontseiluak 2022ko martxoaren 22ko bilkuran hartutako erabakia, zeinaren bitartez zenbait diru-baliabide esleitzen baitira otsailaren 26ko 196/2010 Errege Dekretuan ezarritako dirulaguntzak 2022an finantzatzeko, betiere Enplegu eta Gizarte Gaietako sailburuaren 2012ko apirilaren 18ko Aginduan araututako prozedurari jarraituz. Errege-dekretu horren bitartez, 2001eko martxoaren 8ko 76/2000 eta 2001eko uztailaren 31ko 25/2001 enplegu-erregulazioko espedienteen eraginpean dauden langileentzako laguntza bereziak eta laneratzea errazteko neurriak ezartzen dira (erabakia ebazpen honi atxikitako eranskinean dago jasota).

Bigarrena.– Ebazpen hau Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak Lanbide-Euskal Enplegu Zerbitzuen Administrazio Kontseiluaren Erabakiak.

Hirugarrena.– Deialdia onartzen duen Lanbide-Euskal Enplegu Zerbitzuko Administrazio Kontseiluaren Ebazpenaren aurka, berraztertze-errekurtsoa aurkeztu ahal izango zaio organo horri berari, hilabeteko epean, ebazpen hau Euskal Herriko Agintaritzaren Aldizkarian argitaratu eta hurrengo egunetik aurrera; edo administrazioarekiko auzi-errekurtsoa aurkeztu ahal izango da zuzenean Vitoria-Gasteizko Administrazioarekiko Auzien Epaitegian, bi hilabeteko epean, ebazpena aldizkari horretan argitaratu eta hurrengo egunetik aurrera.

Vitoria-Gasteiz, 2022ko martxoaren 23a.

Lanbide-Euskal Enplegu Zerbitzuko zuzendari nagusia,  
MARÍA GLORIA MÚGICA CONDE.

2022ko martxoaren 31, osteguna

## ERANSKINA

ERABAKI-PROPOSAMENA, LANBIDE-EUSKAL ENPLEGU ZERBITZUKO  
ADMINISTRAZIO-KONTSEILUARENA, ZEINAREN BIDEZ ZENBAIT DIRU-BALIABIDE  
ESLEITZEN BAITIRA 2001EKO MARTXOAREN 8KO 76/2000 ETA 2001EKO UZTAILAREN  
31KO 25/2001 ENPLEGU-ERREGULAZIOKO ESPEDIENTEEN ERAGINPEAN DAUDEN  
LANGILEENTZAKO LAGUNTZA BEREZIAK 2022AN FINANTZATZEKO, BETIERE  
LAGUNTZA HORIEK EMATEKO PROZEDURA ARAUTZEN DUEN ENPLEGU ETA  
GIZARTE GAJETAKO SAILBURUAREN 2012KO APIRILAREN 18KO AGINDUAREKIN BAT  
ETORRIZ

Enplegu eta Gizarte Gaietako sailburuaren 2012ko apirilaren 18ko Aginduaren (2012-05-03ko EHAA, 86. zk.) helburua da arautzea otsailaren 26ko 196/2010 Errege Dekretuan ezarritako dirulaguntzak emateko prozedura. Errege dekretu horren bitartez, 2001eko martxoaren 8ko 76/2000 eta 2001eko uztailaren 31ko 25/2001 enplegu-erregulazioko espedienteen eraginpean dauden langile langabeentzako laguntza bereziak eta laneratzea errazteko neurriak ezartzen dira (196/2010 Errege Dekretua abenduaren 16ko 1783/2011 Errege Dekretuaren bidez aldatu zen). Sistemas de Instalaciones de Telecomunicaciones, S.A. (Sintel) enpresari baimena eman zitzaion enplegu-erregulazioko espediente horiek ezartzeko.

Dirulaguntzak emateko arau horren indarraldia mugagabea da. Hala ere, arauaren 6.1 artikuluan ezartzen denez, aginduan aipatzen diren laguntzak emateko diru-baliabideak Euskal Autonomia Erkidegoko Aurrekontu Orokorretan horretarako ezarritako aurrekontu-kredituetatik etorriko dira. Kreditu horiek aldatu ahal izango dira indarrean dagoen aurrekontu-legeriarekin bat etorriz. Hasierako kreditua eta izan litezkeen aldaketak Lanbide-Euskal Enplegu Zerbitzuko zuzendari nagusiaren ebazpen baten bidez iragarriko dira.

Bestalde, aginduaren 4.4 artikulua zentzu positiboa ematen dio administrazio-isiltasunari, baina Euskal Autonomia Erkidegoko 2021eko ekitaldirako Aurrekontu Orokorrak onartzen dituen otsailaren 11ko 1/2021 Legeak 9. apartatu berri bat sartu zuen Euskadiko Ogasun Nagusiaren Antolarauei buruzko Legearen testu bateginaren 51. artikuluan, eta, apartatu horretan oro har dirulaguntzak emateko prozedura guztietarako ezartzen denaren arabera, eskabideak ezetsizat joko dira baldin eta ebazpen espresurik jakinarazi ez bada horretarako ezarritako gehieneko epean. Segurtasun juridikoa dela eta, komeni da onuradun izan daitezkeenei jakinaraztea zer erregulazio aplikatu behar zaien laguntza hauei alderdi horri dagokionez, eta erabaki honetan jaso behar da hori.

Horregatik guztiagatik, Lanbide-Euskal Enplegu Zerbitzuko Administrazio Kontseiluak, 2022ko martxoaren 22ko bilkuran eztabaidatu ondoren, honako erabaki hau hartu du:

## ERABAKIA

Lehenengoa.– Baliabide ekonomikoak.

242.440 euro esleitzea otsailaren 26ko 196/2010 Errege Dekretuan ezarritako dirulaguntzak finantzatzeko, betiere Enplegu eta Gizarte Gaietako sailburuaren 2012ko apirilaren 18ko Aginduan araututako prozedurari jarraituz. Errege dekretu horren bitartez, 2001eko martxoaren 8ko 76/2000 eta 2001eko uztailaren 31ko 25/2001 enplegu-erregulazioko espedienteen eraginpean dauden langileentzako laguntza bereziak eta laneratzea errazteko neurriak ezartzen dira. Zenbateko horretatik, 28.800 euro 2022ko ordainketa-kredituari dagozkio; gainerako guztia, berriz, hurrengo

ekitaldietako konpromiso-kredituari: 2023tik 2034ra. Diru-esleipen hori 3211 programaren kargura egingo da (Enplegua, 41. atala – Lanbide-Euskal Enplegu Zerbitzua).

Kopuru hori handitu daiteke, baldin eta indarrean dagoen legeriaren arabera aurrekontuetan aldaketak onartzen badira. Aldaketa horiek eginez gero, horren berri jakinaraziko da Lanbide-Euskal Enplegu Zerbitzuko zuzendari nagusiaren ebazpen baten bidez.

Bigarrena.– Administrazio-isiltasuna.

Euskadiko Ogasun Nagusiaren Antolarauei buruzko Legearen testu bateginaren 51. artikulua 9. apartatuan xedatutakoarekin bat etorritik –azaroaren 11ko 1/1997 Legegintzako Dekretuak onartua–, eskabidea aurkeztu eta sei hilabeteko epea igaro ondoren –2012ko apirilaren 18ko Aginduaren 4.4 artikuluan dago aurreikusita epe hori– ebazpen espresurik jakinarazi ez bada, eskabideak ezetsitzat jo ahal izango dira.

2022ko martxoaren 31, osteguna



**LAGUNTZA BEREZIAK 2001EKO MARTXOAREN 8KO 76/2000 ETA 2001EKO  
UZTAILAREN 31KO 25/2001 ENPLEGU-ERREGULAZIOKO ESPEDIENTEEN ERAGINPEAN  
DAUDEN LANGABEENTZAT (SINTEL) - ESKABIDEA**

Administrazioak bete beharrekoa

Prozeduraren kodea							
--------------------	--	--	--	--	--	--	--

**1. PERTSONA ESKATZAILEAREN IDENTIFIKAZIO-DATUAK**

IZEN-ABIZENAK		NAN/AIZ	
HELBIDEA		HERRIA	
POSTA-KODEA	LURRALDE HISTORIKOA		
TELEFONOA	HELBIDE ELEKTRONIKOA		

**2. JAKINARAZPENERAKO DATUAK**

HELBIDEA		HERRIA	
POSTA-KODEA	LURRALDE HISTORIKOA		
KOMUNIKAZIO-HIZKUNTZA			
Euskara	<input type="checkbox"/>	Gaztelania	<input type="checkbox"/>
JAKINARAZPEN ELEKTRONIKORAKO BIDEA			
Sakeleko telefonoa		Posta elektronikoa	

**3. DIRULAGUNTZA-ESKABIDEA**

- DIRULAGUNTZA BEREZIA
  ZENBATEKO GEHIGARRIA HITZARMEN BEREZIA  
 BERREKITEA
  BERREKITEA

2022ko martxoaren 31, osteguna



#### 4. ERANTZUKIZUNPEKO ADIERAZPENA

Markatu dagokiona X batez

##### Lehenengoa:

Eskatzaileak zerga-betebeharrak eta Gizarte-Segurantzarekikoak egunean ditu.

##### Bigarrena:

Eskatzaile onuradunak ez du zigor- edo administrazio-arloan dirulaguntza edo laguntza publikoak lortzeko aukera galtzeko zigorrik, eta ez dauka horretarako ezgaitzen duen legezko debekurik, Emakumeen eta Gizonen berdintasunerako otsailaren 18ko 4/2005 Legearen arabera edo Emakumeen eta gizonen benetako berdintasunerako martxoaren 30eko 3/2007 Lege Organikoaren arabera sexu-diskriminazioarengatik gertatutakoak barne.

##### Hirugarrena:

Eskabidea egiten duen pertsonak ez dauka ordaindu gabeko itzultzeko betebeharririk dirulaguntzen arloan.

##### Laugarrena:

Eskatzailea ez dago Dirulaguntzen azaroaren 17ko 38/2003 Lege Orokorraren 13. artikuluko 2. eta 3. apartatuetan aurreikusitako egoeren eraginpean, dirulaguntzen onuradun izateko baldintzei dagokienez.

##### Bostgarrena:

Eskatzaileak ez du hasita itzulketa- edo zehapen-prozedurarik, Euskal Autonomia Erkidegoko Administrazio Orokorrak edo haren erakunde autonomoek emandako izaera bereko dirulaguntza edo bestelako laguntzaren baten ondorioz.

Eskatzailea sartuta dago ..... dirulaguntza edo laguntza itzultzeko prozeduran edo zehapen-prozeduran (hau da dirulaguntzaren edo laguntzaren emalea: .....)

##### Seigarrena:

Eskatzailea ez da jasotzen ari helburu eta xede bereko inolako laguntzarik beste administrazio publikoetatik.

Eskatzaileari ..... euroko dirulaguntza eman dio.....- (e)k (\*).

Laguntza eskatu dio .....-ri (\*), eta eskaera noiz ebatziko zain dago.

(\* ) Adierazi Administrazioaren edo erakunde publiko edo pribatuaren izena

##### Zazpigarrena:

Eskabide honetan adierazitako datuak egiazkoak dira.



## 5. DATU PERTSONALEN BABESAREN GAINEKO INFORMAZIOA

<b>Tratamendu-jarduera</b>	Enplegurako eta enplegu-prestakuntzarako dirulaguntzak.
<b>Arduraduna</b>	Lanbide, Euskal Enplegu Zerbitzua.
<b>Helburua</b>	Lanbideren eskumen diren enplegu politika aktiboekin lotutako dirulaguntzak kudeatu eta kontrolatzea. Iruzurra jazartzea eta estatistikak.
<b>Legitimazioa</b>	Tratamenduaren arduradunari emandako botere publikoak erabiltzea; legezko betebeharra betetzea.
<b>Eskubideak</b>	Datuak eskuratzeko, zuzentzeko eta ezabatzeko eskubidea duzu, bai eta datuen tratamendua mugatzekoa edota aurka egitekoa ere, informazio gehigarrian azaltzen den bezala.
<b>Informazio gehigarria</b>	Datuen babesari buruzko informazio gehigarria eta zehatza kontsultatu ahal duzu gure webguneko datu-babesari buruzko atalean: <a href="https://www.euskadi.eus/informazio-klausulak/web01-sedepd/eu/gardentasuna/074300-cap2-eu.shtml">https:// www.euskadi.eus/informazio-klausulak/web01-sedepd/eu/gardentasuna/074300-cap2-eu.shtml</a>
<p>Honako araudi hau betetzeko asmoz:</p> <ul style="list-style-type: none"> <li>Datuak Babesteko Erregelamendu Orokorra (<a href="https://www.boe.es/doue/2016/119/L00001-00088.pdf">https://www.boe.es/doue/2016/119/L00001-00088.pdf</a>)</li> <li>3/2018 Lege Organikoa, abenduaren 5ekoa, Datu Pertsonalak Babesteari eta Eskubide Digitalak Bermatzeari buruzkoa (<a href="BOE-A-2018-16673-E.pdf">BOE-A-2018-16673-E.pdf</a>)</li> </ul>	

## 6. ESKABIDEAK NON AURKEZTU

- Aurrez aurre leku hauetan:
  - Lanbide-Euskal Enplegu Zerbitzuaren Zerbitzu Zentralean (Jose Atxotegi kalea 1, 01009 VITORIA-GASTEIZ)
  - Arabako Lurralde Bulegoan (Antillak pasabidea 14, beheka 01012 VITORIA-GASTEIZ)
  - Bizkaiko Lurralde Bulegoan (Ertzilla kalea 4, 48009 BILBAO)
  - Gipuzkoako Lurralde Bulegoan (San Martzial 12, 20005 DONOSTIA / SAN SEBASTIÁN)
  - Tokiko Enplegu-Bulegoetan, aurretiazko hitzorduarekin
- Horretaz gain, Administrazio Publikoen Administrazio Prozedura Erkidearen 39/2015 Legearen 16.4 artikuluan aurreikusitako moduetako edozeinetan aurkeztu ahal izango dira eskaerak.

## 7. ESKABIDEAREKIN BATERA AURKEZTU BEHARREKO DOKUMENTAZIOA

1994ko apirilaren 13ko Aginduaren 5.3 artikuluan xedatutakoaren arabera, dirulaguntza ordaintzeari dagokionez, kotizazio- buletinak aurkezteko epea 6 hilekoa izango da, dirulaguntza eman den hilabetetik kontatzen hasita.

Eskabidearekin batera, honako dokumentu hauek aurkeztu behar dira:

- Estatuko Enplegu Zerbitzu Publikoaren ziurtagiria, ordaindutakoaren arabera langabezia-saria aitortzeari eta sari hori amaitzeagatik iraungitzeari buruzkoa. Sari hori jasotzeko eskubiderik izan ezean, Estatuko Enplegu Zerbitzu Publikoaren ziurtagiria, hala dela egiaztatzen duena.
- Gizarte Segurantzaren Diruzaintza Orokorrekin sinatutako hitzarmen bereziaren kopia, hala badagokio.

Honako kasu honetan soilik: lanean hasteagatik dirulaguntza eten eta gero, dirulaguntza berriz jasotzen hastea eskatu duten pertsonak:



- Kaleratze-gutuna, edo kaleratzea langileari egotzi ezin zaiola egiaztatzen duen agiria.

Norberaren konturako lanpostua utzi badu:

- Gizarte Segurantzaren norberaren konturako erregimenean hartutako baja, non lanpostua uztea eskatzaileari egozteko modukoa ez dela jasotzen duena.
- Jarduera Ekonomikoen Zergan hartutako baja.

## 8. INFORMAZIO GEHIGARRIA

### 1.- Datu pertsonalak egiaztatzea.

Datu pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoaren zortzigarren xedapen gehigarrian xedatutakoarekin bat etorritik, jakinarazten dizugu Lanbide-Euskal Enplegu Zerbitzua, bere eskumenak baliatuz diharduela, beharrezko diren egiaztapenak egingo dituela eskabide honetan adierazitako eta administrazio publikoen esku dauden datu pertsonalak egiazkoak direla egiaztatzeko:

- Eskatzailearen identifikazio datuak, nortasun datuen kontsulta eta egiaztapen zerbitzuaren bidez.
- Zerga-betebeharrak eta Gizarte Segurantzarekikoak betetzea.
- Lan-bizitzaren datuak

### 2.- Alta emanda egotea Ekonomia eta Ogasun Sailaren Hirugarrenen Erregistroan.

Administrazioak laguntzak ordaindu ahal izan ditzan, pertsona edo erakunde onuradunak Eusko Jaurlaritzako Ekonomia eta Ogasun Saileko Kontrol Ekonomikoko Bulegoaren datu-basean agertu beharko du.

Erregistratuta ez badago, edo Ekonomia eta Ogasun Sailaren Hirugarrenen Erregistroko banku-datuak aldatu nahi baditu, inprimaki bat bete beharko du, hemen adierazitako ereduari jarraituz: <https://www.euskadi.eus/hirugarrenaren-datu-aldaketa/web01-tramite/eu>.

.....(e)ko.....aren.....(a)

Eskatzailearen sinadura